

四庫全書存目叢書編纂委員會編

齊魯書社


四庫全書存目叢書

集部
第一〇五冊



責任編輯：孫言誠 賀 偉

ISBN 7-5333-0615-5



9 787533 306151 >

2B25/03

四庫全書存目叢書·集部一〇五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 48.375 印張

1997 年 7 月第 1 版 1997 年 7 月第 1 次印刷

印數 1--100

ISBN 7 5333 0615 5

Z·60 集部定價：127800 圓

集部第一〇五冊目次

集部·別集類

崇蘭館集二十卷(二)

〔明〕莫如忠撰

中國社會科學院文學研究所藏明萬曆十四年馮大受董其昌等刻本

一

己寬堂集二卷

〔明〕陳泰撰

北京大學圖書館藏明萬曆刻本

六六

天目山齋歲編二十八卷

〔明〕吳維嶽撰

吉林省圖書館藏明嘉靖刻增修本

一五六

白華樓藏稿十一卷續稿十五卷吟稿十卷玉芝山房稿二十二卷耄年錄九卷(一)

〔明〕茅坤撰

白華樓藏稿續稿吟稿中央民族大學圖書館藏明嘉靖萬曆間遞刻本玉芝山房稿

華東師範大學圖書館藏明萬曆十六年刻本耄年錄上海圖書館藏明萬曆刻本

二八二

崇蘭館集二十卷(二)

〔明〕莫如忠撰

中國社會科學院文學研究所藏明萬曆十四年馮大受董其昌等刻本

附《四庫全書總目·崇蘭館集

二十卷》提要

崇蘭館集卷十九

雲間莫如忠子良甫著

子壻陸彥章校

姪是鯤輯

墓誌銘 附墓表碑銘

明故福建建陽縣知縣雲川張公墓誌銘

公諱某姓張氏字孚一別號雲川其先汴人宋

南渡徙浙之臨安元季有諱某者避兵華亭因

家焉以易學教授生徒三傳至東海先生始起

家進士仕終南安守生六子其仲廣東按察司

副使後樂翁娶凌氏封恭人寔生公公自少淳

篤無童心授業塾師即勤苦不怠宅好學用風

成年二十四以儒士領正德丁卯應天鄉薦迄

嘉靖戊戌凡十一上春官弗第公嘆曰始余以

弱冠越黌序舉於鄉乃今遲晚弗售非業勤懈

先後殊也命夫因謁選銓曹授山東淄川縣令

公治淄川務先敏惠上下宜之先是邑徭不均

由吏闇不盡下公過編更第據所上等以次召

庭立標識之目誠愿者一數輩引引前營里中消息狀輒得實而徭稱平劇寇劉思敬負嶮剽掠積歲弗獲公至設方畧躬督捕磔其首而散之有以仇家誣鳩人論死者五訊不服當道檄公徃立辯其寃邑蝗祠八蜡禳之出境因募氏掘蝗子斗給穀三之明年隣邑蓄而滔獨以免庚子山東鄉試徵公外廡所得士多知名壬午將考績會凌恭人喪奔歸乙巳服闋補今福之建陽建陽當閩浙孔道賓游絡繹供具日繁悉倚辦坊里公下車自上裁之第歲出帑羨時資至犒徒御有差又罷私廨百需出於莞庫及書肆之擔揭輸官故有程者蓋建俗饒多冗費故公動以約矯之國奢示儉之道也然亦用是無以饜觀望之心某官某以帥使者檄行縣私恚公爲蜚語聞帥使者會帥使者遷去所過屬邑輒厚遺比入公境獨舐舐遂深街之疏劾公當調公聞之嘆曰直道事人於黜固也焉往而可免乎遂解印綬歸士民遮道留之不得公乃遂

歸杜門課子飭躬範族晚節益脩暇則檢括遺書肆力觀覽喜作小楷或署書咸工間爲驗詠與能詩家倡和成帙題曰漁樵雜興云公在閩以勤事致疾有瘥歸八年爲嘉靖乙卯疾復作增劇至九月二十二日卒詎生成化甲辰正月二十二日享年七十有三配湯氏刑部主事公見女繼胡氏子男三長德琬府學生娶金氏千戶鏡女次德瑄聘何氏知縣珏孫女次德瓚聘周氏鄉進士頌女女五長適太學生曹鍊次適太學生葉紹祖次適泉州府學教授唐堯賓次適楊繼晉次適徐御史宗魯子不訓夫張氏自東海先生崛起節槩薦薦紳先生能言之而獨以草聖傳非其至者及若後樂公兄弟能世其家蔚爲儒林冠余交其子弟咸彬彬有故家風而雲川公凝然古貌望之知爲端人總其平生有不軌於義者寡矣此固植自其性而漸於世澤豈無自哉厥子某等卜明歲丙辰正月二十四日塋公鳳凰山祖塋之次而以余友西谷

張君狀來請銘因附公垂絕詩一章毅然達生
全歸之指可謂也余於銘公其何辭 銘曰引
不必重知產之良售不必譬如韞之光宦不必
達知德之威其臧惟何秉塞彌章世有哲軌彌
熾而昌鳳原騰騰神明所藏

故承德郎江西瑞州府通判八峰施君墓

誌銘

松郡以治尚書學雄諸生者嘉靖初稱施君八
峯先生余始觀君貌甚都顧任達自喜而疎禮
法及觀之數年忽反而約之矩矱恂恂乎卑論

卷之十九

如弗勝蓋敷德之符也余既心異之君歿其子
某某乞余銘諸墓而奉鄉進士少玄朱先生之
狀來少玄薦論君子也又師事君久其撰次不
虛焉余益以重君銘惡庸辭君諱用字子中世
家松之第八峯因自號八峯曾大父天澤大父
浩父泰皆有隱德母王氏寔生君君生而穎異
長益醞奇鄉先進定藝曹公器之十九補邑庠
生與今相國存齋徐公雅並稱譽因相友善督

卷之十九

學使者至校藝諸生必置君殊等與相國齒而
君亦厚以功名自負既乃坎壈弗售嘉靖癸巳
由選貢偕吏計之京遊太學比卒業歸馳驅復
二十載更四試竟弗第君嘆曰丈夫生弗逢世
可竟蓬累泯沒不効一命乎庚戌謁選銓部授
江西瑞州府通判蓋優之也君之官約已自持
綠飾儒術捐貲給士作室庇囚訪先達之後表
賢士之瑩究其施為率稱有禮至視篆建昌督
稅高安並以廉慎聞數膺臺獎縉紳大夫交賢
之謂宜亟最君績以勸吏治而考部用蜚語騰
君當別署或惟其故君怡然曰某起寒士階尺
寸嘗濫食廩人素殮名郡重負 國恩於黜晚
矣願得巖栖谷飲而甘心焉遂不謁部乃投綬
歸相國念其才遺書止之第報曰吾獨宜爾辭
決而行比抵舍日程二子藝泊然自適郡大夫
以鄉飲賓之僅一再往已欲齒耆英為里社弗
果居二載病卒嘉靖丁巳十一月三十日也距
生弘治甲寅六月初九日春秋六十有四云君

平生好古博雅自六經子史下逮稗官野語率
通其指義爲文務平實而戒雕刻尤喜改聲詩
嘗授經諸弟子諸弟子彬彬多知名郡中治尚
書學者率多推轂君矣性孝友與人恭不以貧
故薄於親不以既裕忘示子孫儉皆君讀書學
問之助也而晚志譔述多弗究悲夫君先娶翟
氏生子一早殤繼娶戴氏生子三長亦殤次卽
九方郡庠生娶醫官唐堯典女次九川禮部儒
士娶提舉陳鵠女女一適郡庠生董承烈孫男
一孫女一卽以某年月日葬鍾賈山之陽 銘

崇蘭集

卷之十九

七

銘

曰孰生之而或斯之儒行安所施也孰膏之而
或毀之良吏安可爲也儼儼者數奇闕闕者慶
遺俾爾子孫永有依也

明故奉政大夫福建按察司僉事屏岡金

公暨元配劉孺人合葬墓誌銘

福建按察司僉事屏岡金公以某年月日卒於
正寢子士印等將啓公配劉孺人窆合焉以張
大夫狀余謁涕泫滯跪請曰先君質行寡與幸

附於婚姻知先君者無如先生習幸憐而賜之
一言先骨且不朽余聞而憫然曰諾夫余辱交
於公竊不敢自外言公之志以慰於幽者固余
責也廼稍槩括其事如左而並劉孺人得書公
諱定字汝濟其先固松之唐行里人自高祖廷
王謫戍營州中屯衛占籍三世迨公撫歲重瓜
甌之思故今復爲郡人廷王生愷以次子純貴
封刑部郎中封公生紳晉府學諭學諭公生瀛
娶於郝有丈夫子二其長卽公公生而岐嶺自
襁負時能以指摹所見字稍長不好嬉弄被服
揚趾如成人金氏自中丞公獻民別駕公綏方
伯公純運使公瀛率繇尚書取上第至公而徙
業易蔑有師承多所自得善易者不能難竟用
易補博士弟子公方世守清白幾不振及劉孺
人歸而脫簪珥以資公課誦每夜分篝燈焚香
佐以女紅不輟公術業得益進已酉舉順天鄉
薦又十年己未成進士除泉州府推官卽諳法
家言多所平反會島寇起瀕海去且遠公顧

崇蘭集

卷之十九

七

銘

危之白其守增雄堞儲糗構募丁壯乘城爲守
俄寇果至旁郡無不蹂躪泉獨收保晏如諸長
老更相謂曰微金公吾儕不魚肉虜者幾希方
寇薄城軍有脫巾而譁者衆錯愕無所出公緩
頰數語害利惴惴受約束惟謹當道廉公才猷
監諸軍務軍士或掠平民以當首功公輒訊縱
先後全活無算暇則間造諸生陳說經義有不
給爲助膏火諸生後多顯聞屬郡守關又檄視
篆郡獎蠅集公據東六史以惠文埽之若劄一

卷之十九

卷之十九

卷之十九

卷之十九

意拊循瘡殘甫起值旱魃公齋禱雨甘霖立
澍諸長老復相謂曰微金公吾儕不爲焦螟者
幾希諸臺使旌薦累牘召拜南京監察御史以
蠶弊興利爲已任南中多勢貴時扞文罔公一
切裁以法亡所假借不能無齟齬會遷福建按
察司僉事公蒞閩則益持風裁耿耿猶昔要爲
平生負氣骯髒意忤絃發不能珠圓九轉踴躍
鮮詣又居泉時寇未平日夜拮据備警不交睫
者閱月目爲之自自是益甚遂浩然投綬歸

浮湛里社云初公纔髫髻父府君與母夫人後
先捐館舍殮靡弗誠信苦居慟毀幾不能持撫
釋弟愛而能誨駸有成矣卒以夭公哀之竟其
身每念未嘗不爲隕涕女弟并將歸篋且歎捐
劉孺人篋宮以寶之劉亦無所憾凡公之歷官
有聲諸好行其德劉與有力焉始歸雲間葺先
中丞之廢居居之稍置畝圃爲伏臘計然多埽
澹而素且澹慙矣公固陶然不屑也家居好學
神仙冲舉事時延緇人丹士叩玄秘訪化術

卷之十九

卷之十九

卷之十九

卷之十九

釋參同外典務按突奧開闢結如調心鍊氣
可乘虛御風去來罔閼標名玉籙長揖喬丘往
往夢遊十洲三島之區覩仙靈窟宅焉濫雅微
恙倏然賦詩有頃而殞了無星礙豈其精詣至
道類尸解出神者耶其於玄學自許平生非陽
浮慕之已也語曰觀其死知終始公之大概可
睹也公正德辛巳九月初三日壽六十有一
孺人生嘉靖甲申正月十一日先公十七年卒
壽四十有二子男四長士華娶孫氏鴻臚元江

女蚤卒次士印國子生娶王氏太學少子女次
士卓娶何氏太學鳳巖女次士章娶李氏比部
郎南湄女女五長適主政王松川子嘉祥次適
大叅楊檜村子汝詢次余子是元繼室次適驗
部高南州子季惺俱劉孺人出繼娶張孺人無
出次受文學何參字子維徽聘側室張出孫男
四長與稱餘尚幼銘曰

駿發自燕軼群駢馳持斧被繡簪筆批鱗直躬
見憚履德乃馴越在外服秉憲臨閭晚謝跼
栖遲隨茲爰徂南邦以正丘首遊神太虛委形
何有終古斯我哀也嘉偶

故鄉進士歷齋君墓誌銘

嘉靖丁巳六月二十日鄉進士歷齋君卒其
友莫不哀之爲歎歎出涕也嗚呼哲人云亡
則舊治豈不痛哉夫才如君者今適逢世於
微華顯夫何難不則以君所養宜壽又不則以
君之仁宜有後而三者舉弗雙天祐善人其難
也矣悲夫君弟卿率其後二子逢元振元以君

鄉進士張子德瑜狀來就莫子問銘莫子曰
余惡忍余友之善弗章也余惡忍余友之善弗
章也敘之曰君諱臣字子降歷齋其號世居華
亭淺沙里曾祖澄祖以忠父理理秩將仕郎是
爲東野翁先娶王氏生子山繼娶李氏生君
暨弟卿君生而穎異童時能屬文從故南京兵
部郎中曹公祠榮授尚書曹公才之今封禮部
主事高先生國容雅慎許可一見君以爲遠器
要之兄子哉乙酉試督學使者光山盧公煥補
邑庠弟子員而一時同補者纔九人君遂知名
無何居東野翁憂服除會郡大夫長沙熊公宇
崇右文學君益見奇一時士多樂與之友則
莫子濫焉乃以句脩文會訂傳離經交相切劘
相繼頡頏而郡中尚書學彬彬盛焉始此丁酉
君入試應天酌酒臨江慨然懷首青雲之志是
歲果捷高等而典試事者宮諭江西江公汝璧
沈馬江西歐陽公衢二公錄君卷既自謂得士
又偉君嫻於威儀每從傳衆中目之因籍其

主司者以策問忤 旨被逮諸在選者咸懼不
免君獨怡然或問故君曰人材之生當爲世用
造物者固優之成而溘摧喪焉必不然矣未幾
果用言官奏許在選者得卒業南雍君至南雍
益交海內之雋以輔其志稍復究觀當世之務
思見諸行而屢試春官弗第庚戌業已署名格
於制額又弗第君曰已矣遂絕意進取檢其笥
遺稿屬壻德瑜曰勉之若嗣吾志而日與其弟
卿怡怡色養觴祝爲母孺人驪癸丑當入賦歎
無行而孺人強之行行輒返及抵舍孺人猶
踰月竟弗起先是東野翁之歿實罹寇患君終
身恨之語輒悲絕又悼孺人之棄棄而養弗迫
也憂思惋抑日不自聊晚用堪輿家言思啓翁
窆更善地奉孺人合焉涉險阻被霜露庶幾遇
之迄弗就遂遭疾終悲夫君平生任誠蹈軌孝
友性成與人重然諾見義興舉疾惡茲發拯溺
賑窮仁以爲任雅尚約節而遠紛華終身不好
嬉戲蓋篤行君子云君生弘治乙丑九月二十

六日比卒年五十有三配高氏國子生國華女
生子多不育其曰逢元兄山子曰振元弟卿子
女三長適太學生郁直卿次適先正東海先生
曾孫鄉進士德瑜次受監察御史馮君恩子時
可聘葬以是歲十一月十一日墓在郡城北余
山之原 銘曰才必達與而或嗇之德必壽與
而或摧之仁必有後與而或靳之於理之恒則
具是宜於數之邁則具是奇脩者闕與報者舛
與茫乎邈兮莫知其爲而爲我銘將安詔芳
斯人而有斯

明故恩例儒官漸川李公墓誌銘

漸川先生李公歿三閱月其子刑部君伯春奔
歸自京師既卒哭卜兆黃浦南竹岡之東原葬
有日手次先生事狀率弟仲春叔春匍匐伏余謁
泣且道曰先君平生義甚高而功用弗僅試卽
孤忝竊一第又未及微錫命爲先君榮茲以士
喪禮從事惟是墓中之文幸附不朽者孤切私
願無窮敢以恩執事余聞而憫然念之又嘗稔

於先生知刑部君之言核乃按狀誌之曰先生諱得祥字元益其先楚荊州人宋端平末諱遷者仕浙西漕丞避亂海上竹岡里因家焉迄五傳而至恒軒公觀觀生壽官賓竹公學以誠長者稱里中娶金氏名家女生二子先生其伯氏也自幼以穎異聞嘗從諸父老觀於鄉社容止顯然有巨人度識者器之年十七補郡博士弟子員當是時從兄冬官大夫兩湄君有聲諸生間先生與之遊出必方軌居必聯業時譽翕然

先生因銳於學良苦遺疾幾殆自是稍損

鍵關習靜事養生家言數年病愈有司憐其才強之應試試輒不第嘆曰已矣命夫余幸有子即自樹者其嗣吾志乎乃悉祛篋發所藏書授刑部君而自爲逍遙遊慕溪梁竹林之適頃之刑部君舉隆慶庚午鄉試越明年成進士郡大夫觴先生於廬先生以縫掖見大夫曰郎君貴矣猶儒服謂國典何乃援恩例授先生儒官非其好曰爲章服階爾先生爲人雅負意氣

善善嫉惡植自其性弦發不啻而孝義肫篤尤著於宗黨母金以暴疾歿猝不及厚葬恨之終身語輒泣下奉賓竹公以上壽終先生業六案哀毀踰禮扶病總理襄事纖委必親子弟請攝之弗許曰必誠必信吾不與將誰攝乎自是益瘁病益增劇至水漿不入口杖而不能起曰吾乃今日可瞑矣言已而卒弟徵祥從先生問學長爲延師捐貲業之諸不令與經費會倭亂掠徵祥去號泣不欲生既釋乃已女弟早亡賑其遺孤不遺餘力嚴事從兄竹沙君及南湄君

先生

卷之十九

十一

父師名之必唯教成從弟恩貢士安祥勗以共亢其宗從兄元武被構逮獄奮袂直之弟元仁者以謹愿聞割束脩瞻其乏其諸疏屬緩急赴若救焚罔避嫌怨而要以禮教爲坊恩不掩義故子弟皆嚴憚之業故貧不苟一介褐衣蔬食泊然寡營人有以機利之策進者笑而卻之歲饑至無宿糗所善唐大行左溪故長者欲遺之粟而畏其嚴第諷以微言遽正色曰子廼休矣

余若友者豈以備荒歲哉子迪左溪字也聞先生言大慚謝出曰真崛強男兒也無何唐避寇道卒號且馳拊其棺曰喪吾碩交蓋傷雅所與善良以道義相規益云少爲里大姓陳南田館甥陳欲厚爲奉給麾不受曰終不以奩資故喪丈夫守及從他所見藏鏹若干加覆而去陳覺之益重先生其後陳困於役逮理數歲先生身出雪其冤陳且死猶執先生手曰曩見君輕財固知其能仗義也教刑部君兄弟雅有義方義業而暇日以忠孝廉節訓飭之俾務躬行而薄世俗支蔓之語刑部君始第遺書戒曰兒果嗣吾志矣得無識吾言乎又曰作奸官不如作好人顯晦者時名聞焉矣又曰士重始進辟女在室勿而施顰人未有疑之者及笄且字則伺者得指其瑕瑜矣蓋慎諸先生名言可著典訓者其縣不具載總其實豈若是碌碌爲士白首章句而無可表見者乎先生生正德癸酉卒萬曆乙亥享年六十有三其子生子男三長刑部

君伯春娶周氏繼娶顧氏次仲春娶袁氏次叔春娶戴氏女二長受何一鵬聘先卒次適顧大有孫男二繼庭仲春出繼庸伯春出孫女二俱幼嗟夫史稱獨行君子則高季次原憲而不以俗矜勢能之榮貶余誠慕之及誦先生之義即不弗究施乃獨砥行劾節莖莖好脩亦既較然暴於世古人與稽矣矧刑部君行業方蒸蒸起異時者將益崇今伐階寵光以榮賁先生於幽固未有艾斯沒世之偉稱也又奚啻系之獨行焉已哉是宜銘銘曰謂天蓋高靡善弗彰謂土固窮靡鬱弗昌振振爾裔來者斯皇隆隆爾丘逝者斯藏

明故通議大夫南京刑部右侍郎覺菴徐公暨配淑人宋氏合葬墓誌銘

隆慶庚午三月二十日南京刑部右侍郎覺菴徐公疾終正寢公冢嗣中書君球卜是歲十月二十七日奉公柩合葬淑人宋氏葬鶴塘涇之北原而率弟琰琳表經徒跣余謁雨立號戶外

甚哀余攝衣出揖客問故則余徵者公及淑人墓中文也而載給諫方川壘先生之狀於積余義弗忍辭敘曰公諱某字子明初號望湖已更達齋晚乃更覺菴世爲華亭風淫人始祖某洪武間以累善聞某生某某生樂善公某始城徙豐樂橋南卜世滋大寔生復齋公某侍郎考也由復齋公而上三世並以侍郎兄少師公某貴誥贈一品而復齋公益以行誼著於鄉兩承宣平寧都有惠政邑人俎豆之至今初娶林夫人生南州君某繼娶顧夫人乃生少師公及西湖君某而侍郎公居其季髫年卽警敏不群能文詞長受少師公指授精脩業術期必爲聞人而志交天下之雋由郡庠生補貢入太學嘉靖癸卯試太學冠多上是秋領順天鄉薦丁未舉進士時少師公官已少宰會當選吉士或勸公就選公曰昔宋魯寧以兄布秉政而請外某才劣曾公遠甚乃敢冒榮進耶竟不就戊申補兵部武選司主事尋署本司員外卽事癸丑陞駕部

卽中前後六載日究心經畧以釐弊興利爲已任先是摘發卒伍漫不實覈卒善亡重爲閭左困公奏乞飭明例處勾單增置住勾籍以稽登耗大裨戎政至今行之是歲改尚寶司司丞乙卯陞本司少卿尋改光祿改太僕轉太常丁巳陞南京太僕卿尋改光祿擢南京大理公初爲太僕志脩國政百廢振舉廉得丞貳驗收息馬率視部檄遲速而部從事又率循歲至不至爲故常無畫一吏因得奸乃檄諸郡得不俟卽驗收而部從事以爲已侵譁弗服公白其狀大司馬奸者具憎時論譴之在光祿處官如家均節出納市猾有倚巨璫爲蠹者執而法之寶坻歲辦薦新魚故有額中官入且十倍正色論而罷之爲廷尉三年讞獄無留多所平反條上恤獄十餘事

先皇帝皆允之著爲令乙丑陞南京工部右侍郎督脩內外城蚤夜行營些算銖悉自搏埴巧曼之綱量成藉有經省歲計大半未幾考績

詔廢一子丙寅改南京刑部右侍郎公在刑部
如在大理志存欽恤所全活尤多會令

上登極入賀道還疾作因疏乞歸吏部議獲其
畧謂公性資爽剴操履清嚴功用方興而以病
免據懇宜姑遂之病已有司狀聞起用公因得
歸歸踰年疾愈時少師公亦陳乞致政還里方
相與朝夕怡怡樂也而公乃奄忽已矣惜哉公
爲人任誠篤於孝友狀稱其揭所居之堂有曰
不忘先訓師事其兄云者公志也惟雅負直諫

卷之十九

卷之十九

七

意忤輒發不能毀方猥隨俗之好惡人有過而
叱不阿然中無滯留至善有可稱欣賞特甚性
尚儉素既爲大吏緼袍傳體攻苦食淡至仗義
施捨則但無吝吝平居未嘗關節公府而見謂
一方利弊及時政所以失得則抗言當道而不
辭嘗重先達石湖吳公之清脩而吏呼其門殺
然代償其逋稅郡西葉方伯蓋賢者而歿已久
爲葺坊表其名憫倭亂立功死事諸臣及貞節
婦女之不辱者列其名於有司而首捐貲爲建

卷之十九

卷之十九

七

祠助歲計租入奇羨以賜族黨及所識之貧不
能業者有差置義田若干頃籍之學官爲諸生
贍里中黃橋地當急湍溺者多死捐俸五百脩
之此皆公行事之大者余以狀所載列還質不
虛哉而爲之喟然慨也夫君子表微世有迹瑕
掩瑜而善泯弗稱者多矣如公所爲要歸於隱
厚而中庸之士憚其嚴纖嗇之倫景其儉又惡
覩夫恢恢者得爲表微乎哉公配淑人廣西大
參宋樛菴公女居室時事樛菴公及母李極孝
其歸徐也宋方競而公尚爲諸生母泣送淑人
曰以事我者爲人婦何患不宜第徐氏儒素恐
汝不厭黎藿爾淑人前泣曰兒孱不諳婦道卽
甘苦後人能安之敢以遺親憂故淑人歸甫三
日悉屏新婦衣親井臼奉姑婢惟謹顧夫人甚
宜之公讀書夜分淑人佐以女紅不輟已念公
太苦脫簪珥資之遊公乃得卒業太學及公貴
淑人受安人封迄今贈而公猶悼之以脫簪珥
之德也庚子顧夫人遘疾會南洲西湖君已先

歿少師公在宦邸公亦應試入都淑人獨侍湯藥不交睫解衣良瘁而顧夫人竟不起一時含殮喪祭淑人實先公營之悉如禮淑人所生惟中書君是後莫有舉者曰廣嗣吾心也而止此柰何適爲公再置側室生子多舉矣所親或言淑人曰媵多愛分子多財分間之乎宜自計淑人曰不然夫多媵則事任多子則族昌奚不可也言者媿色性不喜華靡既受封常衣布素或諷其已朴淑人曰昔者吾父家故饒所乏豈饒綺而今無尺縷遺矣服美何爲且以夫子清操而吾用布素終不令子孫可繼乎時以爲名言淑人從公遊無何病作增劇公方以駕部即朝下歸宴溫而淑人歿弗及訣矣癸丑七月十六日也公時甫強歲竟不載娶蓋還葬淑人十有八年而公逝云公生正德癸酉五月初六日卒年五十有八淑人生正德癸酉七月初二日卒年四十有一爾嗚呼兩賢並耀享齡不遐傷哉余並著之明中書君兄弟世澤所藉者遠也子

男五長卽某中書舍人淑人生娶吳氏鄉進士少海女卒次某爲西湖公後受少師公推廕恩生娶李氏郡文學憶山女次某官生娶常州白氏光祿少卿仰恭女俱側室俞出次某聘李氏袁州知府雲亭女次某尚幼于出女四長受南京吏科左給事中張白淵于某聘次受順天府府尹宜興曹雲山于某聘次受德府良醫正姓冶山于某聘次受廣東按察司副使王弘宇子某聘受張聘者俞出餘皆于出孫女二一受鵠臚寺署丞無錫安膠泉子某聘一尚幼 銘曰奕奕宗嫻三命而俯嶽嶽誕英不茹不吐瓦全匪榮玉毀曷故道豈逶迤公志則苦德儉而光膏毛而溥罔曰知希違者貴我婉彼淑媛公侯之佐懿則令辭於後有祈鶴涇之陰高原臚撫勒遺並哀來者是觀

明故誥封太恭人常母龐氏墓誌銘

湖藩都閫常君勳母太恭人龐氏病卒宦邸勳疏乞扶柩還葬格於例遣子志道代因計於余

以銘屬夫常君在武弁裏然儒雅所交與多海內知名而千里馳劄以太夫人墓中文余屬其意勲矣余何能辭按狀太恭人父貴母張氏故金山聞家太恭人生而穎秀卜相當貴諸姑有適千戶侯錢積者取鞠之而都閫父明威將軍貞菴公雅以材武爲閫師袁公係所奇故太恭人歸常實自錢氏而贅之者袁公也常之先起靖難功隸籍金吾已乃徙金山雖世席勲閥而羈旅力單葦路藍縷艱於立業至貞菴將軍未競太恭人歸則乃蚤夜拮据屑作以給百需如魏恭人在堂時嚮簪珥具其晚之養將軍奉表如京師公費故約念無以郵居恭人謝曰勿以兒女故累風雲心乃反出織紉私羨資之其勤苦如是故將軍平生雖屢匱乏而志常個儻歷官四十年未始營總內務恭人助也初舉子是爲都閫君雅勗以勉振先緒親詩書擇明師友脩忠信恭讓之行都閫用砥淬風成癸巳代父職甲午武舉於鄉是歲請 詔封太恭人比

選鎮兩所載領漕務太恭人輒以廉勤奉公誠之故都閫所至有聲數被臺薦而縉紳先生與之游者籍籍稱恭人能教子云辛亥都閫總運湖藩竣事因擢湖藩僉閫時先將軍已歿而都閫喪其室獨幼子在抱莫可慰恭人者因迎養官邸道值懸悅之辰都閫出所謁諸名家詩歌侑觴爲壽賓御雜選時謂極榮丙辰都閫晉今秩恭人喜曰汝家世受國恩汝復能振先業吾無憂矣獨不令而父兄之言已泣下丁巳遭疾卒於湖藩都閫衰毀踰禮舉親東歸督撫大匡給傳以行塗旅卽安隆冬利涉可謂福履始終矣恭人生弘治庚戌十一月二日卒嘉靖丁巳十一月十日享年六十有八以卒之明年某月日合葬貞菴將君查山之阡子男三長卽勲娶李氏繼娶林氏王氏次照熊皆夭女三長適千戶袁安次適貢士張泮次適翁指揮子時苗孫男一卽志道松江府庠生孫女二曾孫男二曾孫女一恭人懿行其纖委詳狀中余弗叙叙其